

- 1<sup>r</sup> Wer vß misßt hymel / erd / vnd mer
- 2<sup>r</sup> Vnd dar jnn sÿcht lust / freÿd / vnd ler
- 3<sup>r</sup> Der lÿg / das er dem narren wer



### von erfahrung aller land

- 1 Jch halt den ouch nit jtel wiß
- 2 Der all syn synn leitt / vnd syn fliß
- 3 Wie er erkund all stett / vnd landt
- 4 Vnd nymbt den zyrckel jn die handt

5 Das er dar durch berichtet werd  
 6 Wie breit / wie lang / wie witt die erd  
 7 Wie dieff / vnd verr sich zieh das mer  
 8 Vnd was enthalt den letsten spör  
 9 Wie sich das mer zů end der welt  
 10 Halt das es nit zů tal ab felt  
 11 Ob man hab vmb die gantz welt für  
 12 Was volcks wone vnder yeder schnür /  
 13 Ob vnder vnser füßen lüt  
 14 Ouch sygen / oder do sy nüt  
 15 Vnd wie sie sich enthalten vff  
 16 Das sie nit fallen jn den lufft /  
 17 Wie man vß mit eym stäcklin räch  
 18 Das man die gantze welt durch säch  
 19 Archymenides der wust des vil  
 20 Der macht jm buluer / kreiß vnd zyl  
 21 Do mit er vil vßrächen kundt  
 22 Vnd wolt nit vff tůn synen mundt  
 23 Er vorcht es ging eyn plast dar von  
 24 Das jm an kreysen ab wurd gon  
 25 Vnd ee er reden wolt eyn wort  
 26 Ließ er ee das er wurd ermort /  
 27 Der messen kunst was er behend  
 28 Kund doch vß ecken nit syn end  
 29 Dycearchus der fleiß sich des  
 30 Das er die höh der berg vß meß  
 31 Vnd fandt das Pelyon höher waß  
 32 Dann alle berg die er ye maß  
 33 Doch maß er nit mit syner handt  
 34 Die Alppen hoch jm Schwitzer landt

35 Maß ouch nit wie tieff wer das loch  
 36 Do hyn er müst / vnd sitzet noch /  
 37 Ptholomeus rechnet vß mitt gradt  
 38 Was lang vnd breyt das ertrich hatt /  
 39 Die leng zücht er von orient  
 40 Vnd endt die selb jnn occident /  
 41 Das hundert / achtzig grad er acht /  
 42 Sechtzig vnd dryg / gen mitternacht  
 43 Die breyt vom *equinoxial*  
 44 Gen mittentag / ist sie me schmal  
 45 Zwentzig vnd fünff er fyndet gradt  
 46 Des lands so man erkündet hat  
 47 Plynus rächt das mitt schritten vß  
 48 So machet Strabo mylen druß  
 49 Noch hat man sythar funden vile  
 50 Landt / hynder Norwegen vnd Thyle  
 51 Als JBlant vnd Pylappenlandt  
 52 Das vorhyn als nit was erkandt  
 53 Ouch hatt man sydt jnn Portigall  
 54 Vnd jnn Hispanyen vberall  
 55 Golt / jnslen funden / vnd nacket lüt  
 56 Von den man vor wust sagen nüt /  
 57 Marinus / noch dem mer / die welt  
 58 Rächnet / vnd hat drann gar wüst gefält /  
 59 Plinius der meister seit  
 60 Das es sy eyn vnsynnikheit  
 61 Wellen die groß der welt verston  
 62 Vnd vsser der by wilen gon  
 63 Vnd rächnen biß hynder das mer  
 64 Dar jnn menschlich vernunfft jrret ser

---

**38** lang *GW5046 GW5047* ] leng *GW5041* **43** *equinoxial* ] *equinoccial GW5041* *equinoxial GW5046* **58** Rächnet *GW5046 GW5047* ] Rächnt *GW5041*

65 Das sy solchem noch rächen allzyt  
 66 Vnd kan sich selb vß rächen nitt /  
 67 Vnd meynt das er die ding verstat  
 68 Das die welt selb nit jn jr hat /  
 69 Hercules setzt jnn das mer  
 70 Zwo sülen (als man seit) von ere /  
 71 Die eyn die endet Affricam  
 72 Die ander vocht an Europam /  
 73 Vnd hatt groß acht vff end der erdt  
 74 Wust nit / was end jm was beschert  
 75 Dann der all wunderwerck veracht /  
 76 Der wart durch frowen list vmbbracht /  
 77 Bacchus zoch vmb mit grossem her  
 78 Durch alle landt der welt / vnd mer  
 79 Vnd was alleyn der anschlag syn  
 80 Das yederman lert drincken wyn  
 81 Wo man nit wyn vnd reben hett  
 82 Do lert er machen byer vnd mett /  
 83 Sylenus der verlag sich nit  
 84 Jm narren schiff für er ouch mit  
 85 Vnd sunst juffkynd vnd metzen vil  
 86 Mit grosser freüd vnd seyten spil /  
 87 Er ist eyn drunckner schelm gesyn  
 88 Das jm so wol was mit dem wyn /  
 89 Er dürfft nit arbeit han ankert  
 90 Man hett sunst drincken wol gelert  
 91 Man tribt mit prassen vil schand  
 92 Jetz fährt er erst recht vmb jm land  
 93 Vnd macht manchen jm prasß verrücht  
 94 Des vatter nye keyn wyn versücht

---

68 selb *GW5046 GW5047* ] felbs *GW5041* 91 vil *GW5046 GW5047* ] noch vil *GW5041*

95 Aber was wart Baccho dar von  
 96 Er müst zů letst von gsellen gon  
 97 Vnd faren hyen do er yetz dringkt  
 98 Das jm me durst / dann wollust bringt  
 99 Wie wol die heyden jn dar noch  
 100 Erten als gott / vnd hielten hoch /  
 101 Von denen kumen ist sydthar  
 102 Das man jm landt vmb bächten far  
 103 Vnd düt jm ere noch synem dott  
 104 Der vnß vil übels hat vff brocht  
 105 Die böß gwonheyten wärent lang  
 106 Was vnrecht ist nymbt vberhang  
 107 Dann dar zů stäts der tūfel bloßt  
 108 Das man syn dienstbarkeyt nit losßt  
 109 Do mit ich ouch yetz wider vmb  
 110 Vff myn matery vnd fürnem kumb  
 111 Was nott wont doch eym menschen by  
 112 Das er sūch grössers dann er sy  
 113 Vnd weißt nit was jm nutz entspring  
 114 Wann er erfart schon hōhe ding  
 115 Vnd nit die zyt syns todes kennt  
 116 Die wie eyn schât von hynnan rennt  
 117 Ob schon diß kunst ist gwyß vnd wor  
 118 So ist doch das eyn grösser tor  
 119 Der jn sym synn wigt so gering  
 120 Das er well wissen frömbde ding  
 121 Vnd die erkennen eygentlich  
 122 Vnd kan doch nit erkennen sich  
 123 Ouch gedenckt nit wie er das erler  
 124 Er sūcht alleyn rûm / weltlich ere /

---

103 jm *GW5046 GW5047* ] dem *GW5041*

125 Vnd gdenkt nit an das ewig rich  
 126 Wie das witt ist / schön / *wunderlich* /  
 127 Dar jnn dann ouch vil wonung sint  
 128 Vff jrdeschs yeder narr erblyndt  
 129 Vnd sũcht syn freüd / vnd lust dar jnn  
 130 Des er me schad hat dann gewynn  
 131 Vil handt erkundt / verr / frõmbde lant  
 132 Do keyner nye sich selbs erkant /  
 133 Wer wiß wurd als Vlysses wart  
 134 Do er langzyt für vff der fart  
 135 Vnd sach vil land / lüt / stett / vnd mer  
 136 Vnd mert sich ståt jn güter ler /  
 137 Oder als dett Pythagoras  
 138 Der vß Memphis geboren was /  
 139 Ouch Plato durch Egypten zoch  
 140 Kam / jn Italam dar noch  
 141 Do mitt er ye mer tåglich lert  
 142 Das syn kunst / wißheyt / würd gemert /  
 143 Appollonius durch zoch all ort  
 144 Wo er von gelerten sagen hort  
 145 Den stellt vnd zoch er tåglich noch  
 146 Das er jn künsten würd me hoch  
 147 Fandt allenthalb das er mer lert  
 148 Vnd das er vor nit hat gehört /  
 149 Wer yetz solch reyß vnd lantfar dāt  
 150 Das er zũ nem jnn wißheit stāt  
 151 Dem wer zũ vbersehen baß  
 152 Wie wol doch nit genũg wer das /  
 153 Dann wem syn synn zũ wandeln stot  
 154 Der mag nit gentzlich dienen gott

---